



UNIVERSITÄTS-
BIBLIOTHEK
PADERBORN

**Judicium Ecclesiasticum Seu Decretalium Gregorij IX.
Pont. Max. Liber II.**

Schmalzgrueber, Franz

Ingolstadii, 1726

§. I. De Missione in Possessionem ex Primo Decreto.

[urn:nbn:de:hbz:466:1-74990](#)

in contumaciam , intra decendum à die no-
tæ sententiaz latæ appellare potest , vel in in-
tegrum restitutionem petere c. cùm Berthol-
dus 18. & ibi Abb. n. 18. de sent. & rejudic.
Verè autem contumax , licet secundum aliquos
restitu in integrum (si legitimum impedi-
mentum ex post facto debito modo pro-
baverit) poshit , appellare tamen non permit-
titur l. ejus 1. C. quor. appell. non recip. Gaill. l.
1. obf. 132. n. 6. Belold. de Proces. Judic. c.
5. in fin. Indò nec supplicare potest Principi
pro revisione causæ Sabell. §. contumacian. 9.
Contrarium tamen observatur de Stylo Ro-
tæ, in qua ad appellandum admittitur etiam
verus contumax , ut Sabell. l. cit. notat , &
p. 2. Decis. 396. noviss. à se allegata confirmat.

¹⁷ Dub. 3. quando adversus Prælatum
criminofum in contumaciam procedi posfit?
n. triplicem viam esse , quā adversus talem
procedi potest. 1. Per modum accusationis:
& tunc opus est, ut prius oblatus sit ab acto-
re Libellus , & lis utrimque sit contestata ;

aliás , et si contumax reus sit, ad sententiam
ferendam procedi nequit. 2. Extraordinariè
per viam Inquisitionis , ex mero , & puro officio
Judicis , præcedente publica infamia ci-
tati : ex eo casu nec Libellus offerri , nec
litis contestatio fieri debet, sed statim , si cita-
tus contumax sit, receptis testibus , sententia
condemnatoria ferri debet. 3. Per viam de-
muntiationis , ita ut adsit denuntiator aliquis,
seu promotor Judicialis inquisitionis facien-
dæ , qui suo , vel aliorum nomine petat in-
quiri in Prælatum ad ejus depositionem , seu
amotionem ab administratione in spirituali-
bus , & temporalibus , ne ulterius Ecclesiæ
obsit : quo casu si illè post legitimam citatio-
nem non compareat, sed contumaciter se ab-
senter , contra eundem , etiam lite non con-
testata , receptis prius testibus , & habitis
sufficientibus probationibus , ne ob contu-
maciam contingat delictorum impunitas , de-
finitiva sententia condemnatoria ferri potest,
ut cum alijs notat Laym. in c. 8. b. tit. n. 8.

TITULUS XV.

De eo, qui mittitur in Possessionem causâ rei servandæ.

Dixi Tit. prec. à n. 49. Actorem ,
quando reus sine justa causa con-
tumaciter abest , mitti in posses-
sionem bonorum Rei. Hec non
minima contumaciaz poena est,
cùm nihil ferè hominibus majorem dolorem
incuriat, quā si bona à majoribus per
 manus accepta ab extraneis videant occupari.
Ideo statuta à Jure est, ut Actoris intentio

non frustretur , & reus toedio talis missionis
affectus , accedat responsurus : hinc etiam
Tædialis dicitur. Duplex est ejusmodi Mi-
ssio, ea videlicet, quā fit ex primo Decreto , &
ea , quā ex secundo. De utraque hoc Titu-
lo agitur , licet in Rubrica Tituli tantum fiat
mentio de prima : ut proinde in præsenti tra-
tatione Nigrum sit generalius rubro, prout
etiam alias fæpe contingit.

§. I.

De Missione in Possessionem ex Primo Decreto.

SUMMARIUM.

1. Missio ex primo Decreto quid?
2. 3. Recl. decernitur.
4. 5. Fit à Judice habente mixtum Imperium.
6. Contra ream absentem.
7. Adminicula huic concessa à Jure.
8. 9. 10. Modus mittendi in possessionem.
11. Discremen missionis in actione personali ab
ea, que fit in reali.
12. Locum habet in omni actione , nisi illam aut
actionis, aut rei natura excludat.

IUxeritur 1. quid intelligatur per
primum Decretum ? ^{12.} intelligitur sententia interlocutoria
Judicis , quā ob contumaciam Rei
Actor in bona illius custodiaz cau-
sā mittitur , ut illa pignoris vice teneat , do-
nec reus veniat responsurus. Sumitur
ex c. constitutis 1. b. tit. & notat Gonz. in c.
3. ut lit. non contest. n. 12. Pax Jordan. l. 14.

13. 14. 15. Exceptiones.
16. 17. Requisita ad missiones ex primo Dec-
reto.
18. 19. 20. Ita missus non fit verus possessio.
21. Triplices Exceptio.
22. 23. Effectus missionis ex primo Decreto.
24. Locus eius aliquando etiam casu , quo lite
non contestata deveniri ad sententiam de-
finitivam potest.

tit. 13. n. 210. Barb. in c. 1. cit. n. 2. Engl. hic n.
1. Pirk. n. 1. Schamb. n. 3. Sannig c. 1. n. 2. &
novissimè P. Schmier Proc. Judic. c. 3. n. 50.
Usus ejusdem est in Judicij Statuum Im-
perij , ubi Jus commune viget : in Summis
ejusdem Tribunalibus tam primum , quā
secundum Decretum in totum abolita esse
cum Klockio , Rodingherio & alijs ex Re-
cessu Imperij de Anno 1654. §. wurde hier-
auf

auf nun 35. dedit Miller ad Struv. Exercit. 44. th. 41. litt. A.

2. Quæritur 2. an recte fiat missio in possessionem bonorum ex Decreto? Ratio dubitandi est multiplex; nam 1. Decretum hoc causæ cognitionem desiderat, ut dicam infra n. 16. sed quæ causæ cognitionem desiderant, absente, & inaudita parte expediri non possunt c. *susceptis 1. de caus. possess. & prop. igitur adversùs absentem non potest decerni missio in possessionem.* 2. Litis contestatio est fundamentum Judicij, & propterea sine ea non potest proferri sententia, ut *suprà Tit. 5. à n. 1. dixi.* Igitur nec missio decerni in contumacem.

3. Contumax in non comparando alijs Juris remedij cogitare Judicium suscipere, ut *Tit. præc. n. 54. dictum est.* Igitur non debet pati missione in possessionem.

4. Qui Judicis mandato non paret, possessionem bonorum amittit, & ea transfertur in Adversarium manu militari *l. qui restituere 63. ff. de R. V.* igitur non tantum missione in possessionem custodiae causâ plecit.

5. Hæc missio in possessionem fit ex Edicto *l. Fulcinus 6. S. planè 10. ff. quib. ex caus.* igitur non recte asserimus eam fieri ex Decreto.

Sed his non obstantibus, dicendum, contumacem in comparando recte puniri, & ad item contestandam compelli per immisionem Actoris in possessionem bonorum ejusdem ex Decreto. Ita omnes. *Ratio est*, quia cum nihil pejus Reip. evenire possit, quam lites differri propter innumera mala, quæ ex illis contingunt, non est ferendus reus, qui contumaciter item proscriptus, & Judicium subire non vult.

3. Nec contrarium suadent rationes dubitandi allatae.

Ad 1. Reus, si post citationem peregrinioriam non compareat in Judicio, habetur pro confessu; igitur merito condemnatur ad immisionem Actoris in possessionem bonorum suorum.

Ad 2. lite non contestata per se quidem ad sententiam definitivam procedi non potest, procedi tamen potest ad interpositionem hujus Decreti; quia hoc necessarium erat, ut compellatur reus ad contestandam item, & eā contestatā perveniri queat ad sententiam definitivam.

Ad 3. remedium istud ultra cæteras poenas Jure statutas inventum est in gratiam Actoris, cuius Juri per reliquas poenas non ita cautum est: unde in hujus, & Judicis electione est, utro velint remedio uti.

Ad 4. textus *l. qui restituere cit.* procedit in reo jam condemnato, qui post definitivam sententiam in executione Judicio non paruit, quo casu manu militari possessio in actorem transfertur.

Ad 5. non opponuntur hæc duo, videlicet missionem Edicto polliceri, & Decreto decerni; nam quod prætor Edicto pollicetur, hoc decernit Decreto.

Quæritur 3. à quo fiat hæc Missio in bona Rei? 4. fit à Judge per sententiam in-

terlocutoriam c. *constitutis 1. b. tit. & l. cim legatorum 12. ff. quib. ex caus. in possess. eatur;* nam privata autoritate non licet bona absentis possidere.

Dubium est, quibus Judicibus competat potestas decernendi hanc missionem? & an illis competit ratione Imperij, an potius Jurisdictionis? Briffonius libr. 1. select. c. 3. putat in possessionem mittere esse Jurisdictionis, non Imperij: quod probat ex *l. dies cautioni 4. S. duas 3. ff. de damn. infect. & l. ea que 26. S. magistratibus 1. ff. ad municipal.* quibus Legibus Magistratus municipales, qui Imperium juxtal. *ea que cit. princ.* non obtemebant, permittuntur minores in possessionem mittere.

Sed dicendum, hanc potestatem ad mixtum Imperium pertinere: unde Judex pedaneus haac immisionem non potest decernere. Ita Gonzal. in c. 3. ut lit. non contest. n. 12. Haun. tom. 5. de J. & J. tr. 3. n. 111. Schamb. hic n. 3. König n. 4. & apud illos Scipio Gentilis l. 1. de Jurisd. c. 3. Duaren. simil. tr. c. 7. Merrill. l. 1. c. 3. & 4. Statuitur expressè *l. jubere 4. ff. de Jurisd.* ubi Ulpianus, Jubere, inquit, caveri præatoria stipulatione, & in possessionem mittere, imperij magis est, quam Jurisdictionis.

Neque obstant Leges *suprà citt.* à Briffonio; nam ijs Legibus Magistratus Municipales mittere in possessionem possunt non jure proprio, sed vice Præsidis ex mandata sibi Jurisdictione.

Quæritur 4. in quem decerni missio hæc in possessionem ex primo Decreto possit? 5. in reum contumacem absentem. An decerni etiam possit in eum, qui ante citationem se absentat, nullo relido Procuratore, vel defensore? Rationem dubitandi facit c. fin. b. t. ubi habetur, si post citationis edictum reus discesserit, Procuratore, vel defensore non relido, tunc inducendum actorem in possessionem bonorum custodie causâ. Igitur argumento à sensu contrario ante citationis edictum actor non debet immitti.

Verum hac opinio satis refellitur arg. l. ait Prætor 23. S. deinde 4. ff. ex quib. caus. major. & l. ignorare 4. C. de restitut. milit. ubi dicitur, quod actor in possessionem bonorum eorum, qui Reip. causâ absunt, sine fraude, seu dolo malo, & absentes non defenduntur, ex primo Decreto mittendus fit, & solūm cavitur, ut differatur venditio bonorum illorum in tempus, quo Reip. causâ abesse desierint. Igitur multo magis missio in possessionem ex primo Decreto decerni potest in eum, quem similis causa absentem non protegit. Ita cum communī docent Abb. in c. fin. cit. n. 6. Laym. ibid. n. 4. Pirh. hic n. 10.

Neque obstat c. fin. cit. nam ibi Pontifex respondet ad speciem facti propositam; ex verbis autem narrativis alicuius Canonis,

vel Legis non potest sumi argumentum à contrario sensu ad exclusionem oppositi.

7 Duo tamen sic absenti adminicula conceduntur à Jure. *Primum* est, quod si aliquis vel consanguineus, vel amicus absensis in Judicium veniat defensurus reum absensem, præstata cautione de rato, admittidebeat, ut missio in bona evitetur: hinc pro praxi advertit Abb. in c. 3. de dol. & cont. n. 14. consultum esse, ut in Edicto ad valvas addatur, si quis consanguineorum, vel amicorum absensem defendere velit, compareat ad diem definitivam. *Alterum* est, quod si reus, nullo Procuratore relicto, neque alio comparente, qui causam ipsius tueri velit, ex iusta causa absens sit, Curator bonis ejus à Jure constitui soleat, qui pro absente in Judicio respondeat. *I. ab boſtibus* 15. junct. Gloss. ibid. ff. ex quib. cauſ. major. Bartol. in l. ſi finita 15. ff. ex damm. infect. n. 38. Abb. ſ. Julianus 16. ff. de damm. infect. n. 38. Abb. in c. fin. h. tit. p. 10. Laym. ibid. n. 4.

8 Quaritur 5. quomodo Actor sit mittendus in possessionem bonorum Rei contumacis? *i. h*. hæc immissio aliter fieri debet in actione reali, aliter in personali. Si enim reus reali actione convenitus per contumaciam abſit, actor, previa summaria cognitione, & Juramento calumniae, mittitur in possessionem ipsius rei petita, sive ejus, super qua lis est mota c. tue 3. & c. fin. ſ. in alijs Ut lit. non contest. *I. Fulcinius* 7. ſ. Celsus 17. ff. quib. ex cauſ. in possession. eat. quia actio realis in rem petitam dirigitur, ejusque possessionem avocare contendit ratione dominij, quod in auctore præsupponitur. Vivian. in c. tue cit. Barb. ibid. n. 1. Gonz. n. 6. Laym. n. 3. Vall. hic n. 3. Pirk. n. 7. Engl. n. 1. Schamb. c. 3. At si actione personali conveniatur reus, & contumax sit, potest Judex adversus illum vel auctorem mittere in possessionem bonorum Rei pro modo debiti, vel infligere ei Censuram Ecclesiasticam: quæ poena est ordinaria contra contumacem, qui alter ad parendum induci nequit c. fin. cit. & ibi Vivian. in Ration. Barb. n. 24. Wagner. in c. tue cit.

9 Dixi autem disjunctivè vel: quo innuitur, esse in optione Judicis procedere eocauſu, vel ad immissionem bonorum, vel ad Excommunicationem: & ratio est, quia eo eocauſu actor nullum jus habet in re petita; & hinc Judex nullam ei infert injuriam, si illum in possessionem rei petita non mittat, sed alijs uratur Juris remedij. Abb. in c. cit. n. 3. Imol. ibid. n. 3. Pirk. hic n. 9. Eadem particula *Vel* significat initio infligendam non utramque poenam simul, sed alterutram, quæ magis timeri debeat; potest tamen deinde, si hoc meruerit protertitas contumacis, procedi ad utramque: ad neutram autem, præsertim verò ad missionem in bona alterius procedi debet, nisi prius Judex summarie perscrutatus sit causam; alias si temerè ejusmodi missionem decerneret, contra eum

restitui 'deberet reus arg. l. fi. finita 15. ſi forte 22. ff. de damm. infect.'

Addidi pro modo debiti: quo differt missio decreta ex actione personali ab ea, quæ decernitur ex actione reali; nam qui litigat adversus reum contumacem actione reali, mittitur in possessionem bonorum rei omnium, super quæ item eidem movit; at qui litigat solum actione personali, nisi certa res debeatur, mittendus est in possessionem, certo ordine observato: & primò quidem in possessionem mobilium tantum, si talia reus habeat; si talia reus non habeat, aut quæ habet, pro quantitate debiti non sufficiant, mittendus est in possessionem etiam immobilium: & demum his non existentibus, vel non sufficientibus, in Jura, & actiones. Ita statuit c. fin. ſ. in alijs ſ. si autem Ut lit. non contest. & notat Gloss. ibid. V. vel immobilium, Abb. n. 34. Laym. not. 1. Schamb. hic n. 3. Wiest. n. 5. novissime R. P. Schmier Proces. Judic. c. 3. n. 53. Ratio est, quia hic modus ordinariè observatur etiam in executione sententiae, quæ translit in rem Judicatum l. à Divo Pio 15. ſ. in venditione 2. ff. de Re judicat. & l. presenti 6. ſ. sed si 4. C. de bis, qui ad Eccl. conjug. cuius speciem quandam refert immisio in bonorum, seu rerum possessionem. Conf. quia in hac immissione attendi debet, ut ea dentur, quæ minus debitori nocent, modò satisfiat actori, talia autem sunt potius mobilia, quam immobilia, & immobilia, quam jura. Ergo &c. Excepti autem, nisi res certa debeatur, tum enim æquitas omnino suaderet, ut actor in istius potius, quam aliorum Rei bonorum possessionem mittatur. P. Wiest. l. cit.

Differt igitur Missio, quæ fit in Actione personali, ab ea, quæ decernitur in actione reali. *i. Quod* in illa observandus sit certus Ordo, non in ista: quod inde provenit; quia actio realis supponit aliquod jus determinatum in ipsa re petita; actio personalis autem ad rem incertam nullum jus determinatum supponit. *2. Quod* in prima immisso tempore fiat pro modo debiti, quod prætendit actor; in secunda in ipsam rem petitam. Ratio est; quia absurdum videtur, quemquam in plus mitti, plisque ei adjudicari, quam ipse petat. Petit autem actor in actione personali, ut sibi satisfiat solum pro quantitate debiti. Ergo &c. *3. Quod*, cum intentatur actio personalis, vel manu in possessionem bonorum Rei, vel Censura Ecclesiastica disjunctivè ferri possit; cum vero intentatur actio realis, primò decerni debeat missio in possessionem rei petita, & si missio hæc fieri nequeat, tum primum per Censuram Ecclesiasticam reus ad comparendum sit compellendus. Hoc tamen Missio omnis ex primo Decreto cummune habet, quod ex quacunque actione sit facta, si reus intra annum comparuerit, recuperet res suas, & possessionem illarum, mo-

dō caveat de sifendo in Judicio, & expensas refundat actori §. in alijs cit. c. constitutis 1. &c. seq. b. tit.

12 Quæritur 6. in quibus actionibus locum habeat Missio in possessionem ex primo Decreto? *W. missione in res, & bona Rei contumaciter à Judicio absentis locus est in omnibus actionibus realibus & personalibus, nisi eam actionis, vel rei, super qua reus in Judicio conventus est, natura excludat.* Bartol. in l. si finita 15. §. Julianus 16. ff. de damn. infest. n. 41. Bald. in auth. si omnes c. si min. ab hered. se abst. n. 10. Laym. in c. i. b. tit. n. 1. Oliva. for. Eccl. p. 3. q. 26. n. 18. Pirk. hic n. 6. Wiest. n. 20. Estque perinde, sive in lite venient bona solum mobilia, sive immobilia, corporalia, vel incorporalia: nec excluduntur bona & Jura etiam spiritualia, ut si agatur de proprietate Ecclesia, vel Jure patronatus &c. Proceditque etiam de bonis non allodialibus, ut sunt feudum, Emphyteus, ususfructus &c. prout bene advertit Haum. tom. 5. tr. 3. n. 14. & apud hunc Durandus. Ratio est, quia per hoc nihil prejudicatur domino directo, & proprietatis, & obtinetur finis immisionis, ut scilicet fatigatus debitor desinat esse contumax: manet tamen, ut antea Usufructarius, Vasallus, Emphyteus &c.

13 Dixi, Nisi eam actionis, vel rei, super qua reus in Judicio conventus est, natura excludat; quia sunt aliquæ cause, in quibus talis missio fieri non potest. Et 1. quidem in causis criminalibus: nam si graviores illæ sint, adnotantur bona contumacis, & sic missio solum sit indirecte; si vero leviores, non opus est contestatione litis, saltem de Jure Canonico, & sic etiam missio decerni non potest ob contumaciam in lite contestanda. Oliva q. 26. cit. n. 16.

2. In causis etiam Civilibus, quoties Actor nihil petit, sed ab aliquo tantum vult se excusare, vel liberare, sicut contingit, quando minor adversus aditam hereditatem restitui perit, & credores legitime citati contra tres menses non comparent; Hoc enim casu non mittitur in possessionem hereditatis, quam fugit, sed ab ea solum cupit, & lite non contestata, permititur abstinere. Bartol. in §. Julianas cit. n. 41. Bald. in auth. omnes cit. n. 10. Oliva q. 26. cit. n. 7. Wiest. hic n. 21. Ratio est, quia in hujusmodi causis missione natura actionis excludit.

3. In causa matrimoniali, ne illicitæ copulae cum non sua occasio detur: in qua proinde reus contumax, ut compareat, per Censuras Ecclesiasticas compellendus est c. tua 3. Ut lit. non contest. & si in contumacia perseveret, procedendum ad sententiam definitivam c. fin. §. porro, v. si autem de carnali tit. eod. Oliva l. cit. n. 8. Wiest. hic n. 22, & tit. ut lit. non contest. an. 7. P. Schmier Process. Jud. c. 3. n. 87.

4. In causis Beneficialibus, saltem casu, quo instituitur petitorum super proprietate Beneficij, Dignitatis, Personarū Ecclesiastici contra possessorem ejusdem; nam eo casu rei contumacia potius Censuris. flectenda est, & si iste non proficiat, lite non contestata, præmisso tamen diligenter cause examine, ad sententiam definitivam procedendum, prout statutum est à Bonifacio VIII. c. un. b. tit. in 6. ubi etiam insinuat ratio; quia cum ad Beneficium Ecclesiasticum institutio Canonica desideretur, possessione translata in actionem ex primo Decreto, contingere posset, ut reo intra annum non comparente, actor efficeretur verus possessor, & per consequens daretur vitiosus ingressus in Beneficium. Sequela ostenditur; quia licet post annum non comparentem reo de contumacia illius constet, non tamen confitat de jure, ac titulo actoris. Atqui is, qui jus & titulum possessionis Beneficij non potest ostendere, in Beneficium vitiosus ingressus esse convincitur. Ergo &c.

Neque obstat decisioni huic, quod c. constitutis 1. b. tit. & c. dilectus 2. de sequestr. possess. & fruct. missio in possessionem ex primo Decreto facta sit etiam in causis, in quibus de Ecclesia agebatur; quia ut Gonzal. in c. 3. ut lit. non contest. n. 11. Pascerin. in c. un. b. tit. in 6. n. 13. P. Wiest. hic n. 24. cum communis notarii, in calu citt. textuum de Ecclesia agebatur, non quatenus Beneficium, sed quatenus proprietas quædam erat à spirituali officiis titulo separata, in cuius possessionem immisio, qua cum periculo vitiosi ingressus in Beneficium non est conjuncta, fieri, decernique potest.

Dixi autem, saltem casu, quo instituitur petitorum; nam quando instituitur possessorum ad obtainendam possessionem Beneficij jam obtenti, major est controversia; nam Gloss. in c. un. cit. V. obtainendis, Anchoran. ibid. & alij affirmant tum missione locum esse, quod Constitutio c. cit. sit exorbitans à Jure communi, secundum quod ordinarie ob contumaciam Rei actor in possessionem mittitur. Igitur strictæ interpretationis est, & quia de Beneficijs obtainendis duntaxat loquitur, ad obtenta trahi non debet. Contra Franc. in c. cit. n. 4. cum alijs negat, quod periculum vitiosi ingressus, in c. cit. allegatum, non leve oriatur etiam ex immisione in possessionem beneficij jam obtenti, si non discutiatur titulus, ex quo illud actori competit. Sed melius cum alijs distinguunt Laym. in c. un. cit. n. 3. an agatur Judicio possessorio recuperandæ, an vero adipiscendæ. Si primum, restituendus est actor, nisi notioris proprietatis defectus oblitus can. redintegrande §. q. 1. c. litteris 5. & c. conquerente 7. de restit. spoliat. Si secundum, missio in possessionem fieri non potest, sed negotium examinari prius debet à Judice, & tum, si causa exegerit, sententia definitiva fieri, qua actor mittatur in veram

ram Beneficij possessionem. Neque obstat, quod c. cit. loquatur de Beneficijs obtinendis; nam etiam ille, qui Beneficium quod ad Jus quasi proprietatis obtinuit, agere debet pro eo obtinendo quoad possessionem, si hanc alius habeat.

- 16** Quaritur 7. quid requiratur, ut actor mitti in possessionem possit? 8. 1. requiritur, ut reus sit absens ex contumacia: talis presumitur, si personaliter citatus ad loca remota se conferat, nullo reliquo legitimo Procuratore ad lites c. fin. b. tit. & ibi Vivian. in ration. Barbof. n. 1. Jordan. l. 14. tit. 13. n. 20. Pirk. hic n. 9. Schamb. n. 3. König n. 8. 2. Ut actor rei contumaciam incusat, & petat se mitti in possessionem. Abb. in c. fin. cit. n. 4. Laym. ibid. n. 3. Haun. tom. 5. tr. 3. n. 110. Pirk. n. 10. König n. 9. & colligitur ex c. cit. ibi *Jure petere potest:* & ratio est, quia Judex non impetratur officium non petentibus. 3. Ut reus citetur ad actum immisionis, & quidem peremptoriè, saltem per publicum Edictum, si personaliter citari nequeat. Abb. in c. cit. n. 11, cum reliquis supra. 3. Ut post ejusmodi citationem reus nec ipse, nec alius loco ipsius compareat in Judicio; nam si loco ipsius compareat consanguineus aliquis, vel amicus, eum defensurus, & de rato caveat, missio impeditur secundum dicta n. 76. 5. Ut Actor prius juramentum de calunnia praefaset: quod proinde Judex ab eo debet exigere. Wiest. hic n. 3. 6. Ut Judex, ante quam missione decernat, præmitat sufficientem cause cognitionem. Sufficit autem Summaria, prout colligitur ex Auth. & qui jurat C. de bon. auth. Judic. poss. & clarè habetur c. fin. §. in alijs lit. non contest. ibi: *Negotium summatum examinans &c.*

- 17** Examinabit autem 1. de Contumacia Rei, an scilicet citatio sit ipsi legitimè insinuata, & tamen ad præfixum terminum peremptorium nec per se, nec per procuratorem comparuerit. Bartol. in l. si finita 15. §. Julianus 16. ff. de dann. infel. n. 18. 2. De jure actoris, si actio realis, vel de debito ipsius Rei, si personalis actio sit intentata. P. Wiest. hic n. 3. 3. An habeat reus bona, in que fiat immissio, & qualia; nam his deficientibus per alii Juris media Reus compelli debet ad satisfaciendum actori. 4. An Actor legitimè probabit Jus suum, vel debitum Rei: debet autem probari saltem sempliè, ut notat Gloss. in §. in alijs cit. V. summativum. 5. Denique, an debitum sic probatum sit purum, vel conditionale; nam, ut Paulus Ictus l. si quis creditorem 14. ff. quib. ex caus. in possess. eat, ait, *creditor conditionalis in possessionem non mittitur.* Videatur Abb. in §. in alijs cit. n. 31. Bullæus D. de Contum. th. 14. Oliva for. Eccl. p. 3. q. 26. à n. 30. P. Wiest. hic n. 3. P. Schmied Process. Jud. c. 3. n. 81. & duob. seqq.

Quæritur 8. utrum missus in possessionem ex primo Decreto verè possideat, vel solum detineat? Conveniunt omnes non fieri verum possessorem, quando missus est actor in possessionem in actione personali, ut habetur l. possideri 3. §. fin. ff. de acquir. vel amitt. poss. & alijs Juribus. Hinc dominus, seu reus inde non ejicitur, sed actor simul cum reo rem tenet, & cum illo in fundo ac bonis commorari potest. Excipe, nisi Judex ex officio illum recedere jubeat, ne rixæ fiant, si ambo possideant arg. l. si cuius 13. §. sed si inter duos 3. ff. de iust. fract.

Controversia igitur solum est de actione reali. In qua Az. Gofred. Sper cul. & alii, eti concedant non incommutabiliter possideri (quia reo, si intra annum venerit, possessio restituitur) volunt tamen per hanc missione ex primo Decreto in actione reali obtineri veram possessionem. Consentunt Bartol. Marant. Menoch apud Gonzal. in c. 3. ut lit. non contest. n. 15. qui volunt id verum esse de Jure Civili, quavis agnoscant de Jure Canonico tenere contrarium.

Fundantur 1. quia l. si quis 8. §. sed 19. si quis 3. C. de prescript. 30. vel 40. ann. ita in possessionem missus nuncupatur Possessor, & l. consentaneum 8. C. quom. & quand. Judex &c. dicitur in eum possesso transferri. 2. Si reus, in cuius bonorum possessionem actor ex primo Decreto immisus est, intra annum compareat, & cautionem offerat, recuperat possessionem, ut statuitur §. in alijs cit. & c. pastoralis 11. fin. de offic. Jud. Ord. Igitur prius illam amiserat; conf. ea penes actorem fuit. 3. Actor virtute missonis in possessionem, Jus pignoris Prætorij haber, sicut creditor in pignore conventionali. Sed creditor habet veram possessionem rei pignorate. Ergo etiam actor. 4. Actor ratione missonis in possessionem consequitur commoda realis possessionis l. Fulcius 7. ff. quib. ex caus. in poss. eat. & l. pen. ff. ut in possess. legator. & ipse actor tenetur rei vindicatione, actione ad exhibendum, habet interdictum, ut passim Jura. Igitur quia obtinet veram possessionem.

Sed his non obstantibus, dicendum, nec in actione reali actorem, immisum in possessionem ex primo Decreto, regulariter fieri verum possessorem, sed tantum custodem, sicut in actione personali. Ita Gloss. in §. in alijs cit. V. possessionem. Butrio ibidem n. 20. Abb. n. 20. Gonz. n. 15. Pax Jordan. tit. 13. n. 211. Oliva for. Eccl. p. 3. q. 26. n. 46. & seqq. Passerin. in c. an. b. tit. in 6. n. 3. Zoc. hic n. 1. & cæteri Canonistæ plerique cum non paucis Legistis. Claram hoc est de Jure Canonico propter Rubricam presentis Tituli, & ei subjectos textris, quibus sic missus in possessionem adstruitur duntaxat re-

rerum conservatio , & custodia : & confirmatur ex c. constitutis 1. b. tit. & §. in alijs cit. ubi actor ita in possessionem missus, verus possessor constitui dicitur primum post annum. Ergo intra annum verus possessor non erit. Concordat etiam Jus Civile l. si duo 3. §. creditores 8. ff. ut possidetis , l. is cui 5. princ. ff. ut in possess. legator. & l. possideri 3. §. fin. ff. de acquir. vel amitt. possess. ubi dicitur non possessionem, sed custodiam rerorum & observationem concedi.

Fundamentum est 1. quia talis creditor, missus in possessionem ex primo Decreto, nec fructus lucratur, nec ex fructibus vesicatur l. Fulcinius 7. princ. ff. quib. ex caus. in poss. eat. & l. creditore 14. ff. de reb. auth. Jud. possidet. 2. Quia talis creditor antiquum possesorem nec dejicit, nec turbat in possessione l. is cui cit. & l. si finita 15. §. si quis 20. ff. de dann. infec. atqui si ex primo Decreto actor verus possessor fieret, primus possessor deberet dejici; quia duo in solidum eandem rem possidere non possunt. 3. Quia si veram possessionem consequeretur actor, necessarium esset, ut opinione domini possideret, non autem possidet opinione domini, ut clarum est, quamdiu lis pendet. 4. Quia reus contumax, si intra annum compareat, recuperat statim bona absque nova possessionis traditione. Eset autem nova traditione opus, si amississet possessionem. Ergo &c.

Neque contrarium probant argumenta allata in contrarium. Ad 1. Vox possesso, & possessor in legibus citt. ad vitandam Juris Canonici à Civili discordiam, in modo effugiendam antilogiam ipsius Juris Civilis ob claros textus, qui in adversum militant, debet accipi largè, & ita, ut in actorem transferatur sola detentio. Ad 2. sicut juxta modò dicta transfertur sola detentio, ita sola à reo, deposita contumaciâ recuperatur. Ad 3. negatur paritas: nam creditor habet annum possidendi pignus conventionale; quia hoc alias eidem esset inutile: at ejusmodi effectum possidendi bona, in qua immisus est, actor habere non potest, cum ut probavimus, Judex in eum non possessionem, sed nudam custodiam transferat. Ad 4. negatur, quod nisi in casu gravissimâ contumaciâ commodis possessionis fruatur actor ex primo Decreto: Ut quis teneatur rei vindicatione, & actione ad exhibendum, non desideratur vera possessio, sed sufficit eius detentio. Dixi autem suprà Regulatiter.

Et hinc ulterius.

Quæritur 9. quando Actor, in possessionem missus ex primo Decreto, intra annum consequatur veram possessionem, & commoda possessionis? 10. tres maximè Exceptiones cum alijs à se relatis enumerauit Oliva for. Eccl. p. 3. q. 26. n. 52. & seqq. 1. Si, ut n. prec. dictum est, ob nimiam contumaciâ rei, quia v.g. cum in Jus vocaretur,

disertè, præsertim si cum contemptu, negavit se comparitum, Judex immisionem in rem petitam primò decernens exprimat in poenam nimiae contumaciæ actorem in veram possessionem mitti, ut etiam fructus percipere valeat; tali enim casu actorem, vi immissionis ex primo Decreto factæ, verum possesorem evadere ex l. Fulcinius 7. §. fin. ff. quib. ex caus. cum cit. Oliva docent Abb. in c. contingit 9. de dol. n. 10. Bald. in l. consentaneum §. C. quom. & quand. Jud. n. 35. Pafferini in c. un. b. tit. in 6. n. 3.

2. Quando lite jam contestata processum fuit in causa, & actor intentionem suam probavit semiplenè tantum; tunc enim quia ob defectum plena probationis Judex sententiam definitivam ferre super causa non potest, ob præsumptionem, quam partim ob contumaciam Rei, partim ob suam probationem, Actor pro se habet, mittetur in possessionem veram rei petitæ, solaque proprietatis quæstio contumaci reservatur c. prout nobis 4. in fin. de dol. & contum. l. consentaneam cit. Abb. in c. 4. cit. n. 23. ¶ secundum remedium, Ummius D. 6. tb. 3. n. 11. P. Wiest. tit. de dol. & cont. n. 49. estque receptum à Legistis & Canonistis teste Menoch. retin. remed. 3. n. 217.

3. Si Statuto caveatur, ut missus ex primo Decreto percipiat fructus; nam ut cum alijs citt. notar Oliva l. cit. n. 64. hujusmodi statutum valet; si enim contumacem Judex multare alijs poenis potest, cur non poterit in poenam contumaciæ eidem auferre fructus, & applicare Actori? Porro quod de Statuto hic dicitur, procedit etiam de conuentudine, sicubi ex ea legitimè præscripta habeatur, ut ita missus possideat, & fructus acquirat. Oliva l. cit.

Quæritur 10. quis sit Effectus primi 22 Decreti? 11. distinguendum, an actio sit realis, an personalis. Si personalis, multiplex ipsius effectus est; nam 1. per illud missus habet, & custodiam, & defensionem rerum, in quarum possessionem mittitur: quod dicitur *Judiciale*, seu *Prætorium pignus*. 2. Si turbetur in possessione, in quam missus est, intentare potest, non quidem Interdictum, ut possidetis (quia secundum dicta n. 18. non verè possidet) sed *Ne vis fiat* secundum l. ait *Prator* 1. princ. & tot. tit. ff. ne vis fiat ei, qui in possess. 3. Si debitor latiter, nec satisfaciat, potest creditor sine bello petere à Judice facultatem bona vendendi. 4. Curare debet, ut fructus colligantur, & custodiare, vel si tempore perirent, potest eosdem vendere, & pretium, quasi esset depositum suum, servare; nam alere se inde non potest, cum custos duntaxat sit, qui fructus ex re sibi in custodiam data restituere debet. 5. Si debitor fundum, in cuius possessionem actor immisus est, negligat colere, ipse actor, seu creditor immisus colere eundem potest, aut eum loca-

re alteri; hoc enim officium custodis est.
6. si quis fructus ex re, in cuius possessionem missus est, ipse consumpsit, computare in sortem debet; quia in ordine ad fructus non plus Juris in re illa habet, quam habeat Creditor pignoratitus, qui fructus pignoris debet computare in sortem.
7. Missus primò potior est alijs postea venientibus, qui nullam habent Hypothecam, & qui similiter jussu Principis mittuntur, nec sunt ejusdem tituli; si enim essent ejusdem tituli, omnes concurrerent eodem Jure. Ita habetur *l. Fulcinius 7. princ. ff. quib. ex caus. l. in venditionem 8. §. si quis 1. & l. seq. §. quod ait 2. & duob. seqq. ff. & C. tot. tit. de bon. auth. judic. possid.*

23. In actione reali missio ex primo Decreto duos præcipue effectus producit: quorum unus est, quod pendente lite tribuat Custodiā rei petitā, donec de dominio cognoscatur; alter, quod ita missus acquirat actionem ex delicto, ne vis fiat ei *l. ait Pretor cit. §. hoc interdictum 1.* Reliqui effectus primi Decreti, qui in actione personali conveniūt huic missioni, in actione reali vel omnino non competunt, vel non competunt principaliter ratione missionis. Sic enim **1.** in actione reali non conceditur Pignus Prætorium; quia in ea actione Actor sibi dominium, & proprietatem vindicat; in res sua autem non potest quis obligationem habere *l. neque pignus 45. ff. de R. J. nisi forte per accidens.* **2.** Etsi sic missus sit potior alijs, non tamen, quia missus est auctoritate Judicis, sed quia dominus rei est; res enim sua eo inscio non potuit obligari ab alio *l. si sine voluntate 5. C. ad S. C. Velleian.* **3.** Etiam res possessa in actione reali in solutum non datur; quia quod meum est, amplius meum fieri non potest *c. inter dilectos 6. de fid. instrum.* **4.** Denique etsi missus in possessionem actione reali vendere fructus possit,

non tamen hoc vi missionis per Judicem facta, sed titulo dominij potest.

Quæritur **11.** an missio in possessionem per primum Decretum etiam fieri possit, quando ad sententiam definitivam perveniri lite non contestata potest? *Videlicet, eo casu cessare debere hanc missionem. Ratio est, quia missio ista est remedium extraordinarium, quod cessare debet, si suppetat ordinarium.*

Sed rectius distinguunt Laym. in c. un. b. tit. in 6. n. 4. dicens in causis Beneficiis, Matrimonialibus, & ijs, ubi mora periculosa est, omittendam missionem ex primo Decreto, & procedendum ad causā expeditionem, si reus contumax sit: In alijs autem causis, ut Decimarum Usura &c. missionem adversus absentem faciendam efficit. *Ratio est, quia quod ad missionem, vel aliam compulsionem prius procedi debeat, quam ad sententiam, causa non tantum est, quia sententia ferri non debet, lite non contestata, sed quia dedecet eam ferri adversus absentem ob periculum, ne jus possessionis turbetur.* Igitur id, quod ad sententiam definitivam, lite non contestata, contra absentem aliquando procedi possit, non impedit, ut non etiam decerni missio in possessionem per primum Decretum possit.

Ad rationem oppositam responderetur, Regulam illam tunc solū habere locum, si ordinarium & extraordinarium remedium tendant ad eundem finem & effectum: missio autem, & sententia definitiva ad diversa tendunt, illa ad puniendam contumaciam, hæc ad cause merita cognoscenda: imo missio (sicut etiam Excommunicatio, & Carter) cum sit quedam poena, & compulsione, tanquam medium servire potest ad rectius ferendam sententiam, si deposita contumacia, se reus sistat, & juri pareat.

II.

De Missionē in Possessionem ex Secundo Decreto.

S U M M A R I U M.

- 25. 26. 27.** Effectus secundi Decreti.
- 28. 29.** Requisita, ut missio ex illa decerni possit.
- 30.** Modus decernendi.
- 31. 32. 33.** Non est necessarium in actione reali, est in personali ad acquirendam veram possessionem.
- 34.** Tempus intermedium regulariter est annus.

Post missionem in possessionem ex primo Decreto, si reus ultra annum contumax esse perseveret, & obstinato animo in Judicio non compareat, augetur poena, & cognitā causā per-

- 35.** Quomodo computetur?
- 36. 37. 38.** Cause excusantes intra annum non compararenti.
- 39.** Quid Juris, si missus ex primo, vel secundo Decreto propter potentiam, vel dolum rei non possit bona, in qua missus est, realiter apprehendere, & detinere?
- 40.** Quid, si super aliqua re immobili conveniens dicat, se non esse dominum eius?

venitur ad Missionem ex secundo decreto: quod nihil aliud est, quam secunda interlocutio Judicis, quâ Judex missum in possessionem ex primo Decreto verum possessionem constituit. *R. P. Schmier Process. Judic. 6. 8. n. 61.* *Quæ-*